



C' k' èst shûr c' èst ki s' è nn' a passé d' bèles di cès tins là. On a bén do mau à comprinde lès djondants èt lès pondants di totès lès afères k' on n' lès pout k' à pwinne adviner au lîjâdje dès scayes co dimèrêyes ètîr. Afîye èles n' ont ni keûwe ni tièsse avou dès gravés tècses k' on s' dimande à kwè i s' ripwatanut. Sont-ce dèb bokèts di bèlès lètes? Ptète k' on djoû, à fwace di rilijâdjès, nos sèra-t-i possibe di zoupler l' baurîre dèb mots èt adon polu, sins rin manker, profiter dèl lumère muchîye au ddins ! Èst-ce po ça k' è « sèmantike » on ritrove ène sakwè ki rishène à « minte » ? Aloz sawè, savoz...

←

(Ptète ki, tot seû, vos alèz polu lire èt comprinde li sicrîjaedje k' èst dissus l' imaudje dèl pîre k' èst véci à costé?)

Dins on ôre djinre, voci one pougnyè di c' k' on poréve di nos djoûs lomer « aforissaedjes », pinsêyes dissus tot èt po tos lès djoûs. Èsse on ramèxhnâdje di ratoûrnûres rissatchîyes fou d' tècses à todi pièrdus? On n' è sé rén. Tot c' k' on è vos pout dîre, c' èst ki dissus l' prumère dèb pîres i gn' a on mot ki rishène à on titre, ène sakwè come

DAKÈRÎYES.

L' DJOÛ K' ON VOS BOUXHE LI DOS SINS PONT D'SOGNE, VOS VOS RINDÈZ CONTE K' ON N' VOS WAZE PUS RIWÊTÎ D' FACE.

Po n'nén xhouûtez on moya ki vos faît signe, sèrèz vos ouy !

L' PUS SIMPE, PO N' NIN AWÈ A XHOÛTER ÈNE SAKÎ, C' ÈST DÈL Fé TAÎRE.

On moya ki sère sès pougnes ni vos vout pus rén dîre.

Vos rixhoûrboz lès nwârès bèrikes d' on aveû le èt pinser ki vos va pou ça mia vîre ?

On sùti ki n' tûze nén è-st-ossi bièsse k' on ôte.

C' èst pus auji d' lever s' pougne ki di doviè s' mwin èt li stinde.

N' arîz nén vinu au monde, l' monde s' arève-t-i disrindjî por vos ?

L' cia ki n'a pont d' idêye ni s' rind nén conte di c' ki lî manke.

Èsse mia ène bèle idêye ki vole sus s' panse k' ène mwêje ki wangne ?

Polèz- vos awè do bon sins èt toûrner au rviêr ?

Po prinde li trin ki marche, i vos faut ièsse à l' eûre à l' èstacion.

C' n' èst nèn pace k' è ne comére s' a lèyî prinde è foto ki l' rèsse va shûre.

Faut-i s' èwarer d' voye vosse parole rider d' vos mwins kand à maulvau vos l' avèz donêye?

On a bau fé, à raler è nn' èri on n' avance pus wêre.

Èteûre ène cope di tchofes èt ène cope di tchampagne, li difèrance c' èst c' ki vos pète au néz.

Avaler lès montêyes va pus rade ki di lès griper ; èt dîre ki l' nombre di scayons ni kandje nin !

Kand on s' nèye, on n' si rind pus conte ki l' eûwe frèchi.

A l' astchèyance, vos purdèz l' prumî vinu sins vos rinde conte ki c' èst l' dêrin dès dêrins... arivés.

Vos avèz bau viker pus vî, il èst adon trop taurd po profiter di vosse dj onnèsse.

Comint s' apruster à voye si dj oker c' ki n' a nèn co comincî.

Moustrer k' on done n' èst wêre plêjant, nè l' minme nèn fé à muxhète c' èst co pîre.

Vos vos polèz rafiyî k' on dîje do mau d' vos, ça mostère ki vos purdèz dè l' place.

Faut-i awè yeu do mau po polu bén profiter d' awè bon ?

On mërseû mot, n' èst k' chume au fond d' on Orval vûdî.

A chwèzi, djinme mia m' fé bate avou l' fistu k' èst ddins m' ouy k' avou li stamon k' èst sititchî è l' vosse !

Kand on vos dit k' lès dêrins vont ièsse lès prumîs, on taurdje èt prinde place li pus taurd possibe dins l' file.

Kand on s' vante d' ièsse l' èfant d' sès oûves, on n' a wêre di parintèle.

Mi ki n' lès a nén vûdîs, on m' vouréve fé payî lès pots skètés?

Vos polèz sayî, l' paûsse ni lève nén ddins lès corants d' êr.

On bon fautule ralondje lès bates di divize, on mwê chame lès racoûti.


C'èst drole, on vout co discuter kand
on n'a pus rén à s' dîre.

I gn'a toti ène sakî po s' rafiyaî d' on
fél còp d' pîd au cu: l' doneû!

Èsse ki l' orlodje si rind vrêmint
conte do tins ki passe?

Èsse djusse ki l' invanteû dèl
tchòde eûwe n' uche nén wangnî ène
mastoke d' abondrwèts?

C' n' èst nén djusse, on arive à
viker pus vî èt on n' pout nén po ça
vinu pus djonne au monde.



A n' nén crwêre, on n' avéve rén à piède, tot à wangnî, èt co fini pa lèyî
di sès plomes?

Nos arivans au monde sins polu s' è rafiyaî èt on duvréve sofri po l'
kiter?

Xhoûtèz! I gn'a rén d' mia po ètinde c' k' on vos dit.

Si vos purdèz l' pus coûte voye po d' aler, pokwè è kandjrîz po raler?

Ni nén volu distèler c' èst coradjeû, mins kand l' tchivau a moru...

I s' faut atinde à tot po n' si nén lèyî sporprinde.

Volu viker foû do monde èt s' tinu maugré tot au corant, c' n' èst nén auji.

L' pièrdeûwe ewîye au mitan do strin? Wètèz ddins lès cindes.

Vôrîz dèssiner on caré rén k' avou on compas ?

D' ièsse lomé n' faît nén todi plêji ; à l' orde do djoû, po on tite, à tanawète, tot d' minme...

Ça va mau, l' djoû k' on s' prind à dîre bondjoû ddins s' murwè po cauzer à ène sakî...

S'faut-i sinte copâbe ki l's ôtes fuchenuche capâbe di tot ?

On pout bouter lontins po n' nin wangnî grand tchôze èt radimint dispinsî tot po bin wêre.

Vs aroz bau dîre, on kulo d' plome dissus vosse tièsse faît mwins mau k' on kulo d' plon !

On ratind trop dèès matèmatikes. Kandjî lès fakteûrs di place n' faît nin ariver pus rade lès lètes.

Po è nn' d' aler èshène, i vos faut rèxhe è minme tins. Po roter c' èst l' minme, i vos faut shûre li minme voye.

I gn'a ostant d' fumêre sins feû ki d' buwêye sins eûwe èt d' pwin sins pont d' farène.

L' solia lût po tèrtos, kand i gn'a pont d' nûlêye.

Avou dèès ouy pus grands k' vosse vinte, vos aroz dèès rûshes po trover dèès bèrikes.

Si l' parèsse èst l' moman d' tos lès vices, l' carèsse èst l' momint dèès dèlices.

On vos flate ? Wê tèz à deûs côps po z' awè fiyate.

Pokwè s' nauji à griper kand c' èst si auji d' touner cazake èt dischinde ?

Lès nwârs linçoûs, dimèrenut-is sins pont d' mannèstés ?

Pris à n' nén comprinde, on sêzi n' s' èware wêre.